



IZVJEŠTAJ O FINANSIJSKOJ REVIZIJI

USTAVNOG SUDA FEDERACIJE BOSNE I HERCEGOVINE

za 2017.godinu

Broj: 01-02-06-14-1-1-1501-6/17

Sarajevo, juli 2018. godine

SADRŽAJ

I	MIŠLJENJE REVIZORA	1
1.	MIŠLJENJE O FINANSIJSKIM IZVJEŠTAJIMA	1
2.	MIŠLJENJE O USKLAĐENOSTI.....	2
II	KRITERIJI ZA REVIZIJU	3
III	IZVJEŠTAJ O REVIZIJI	4
1.	UVOD	4
2.	PREDMET, CILJ I OBIM REVIZIJE	4
3.	PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA	5
4.	SISTEM INTERNIH KONTROLA	5
5.	IZVRŠAVANJE PRESUDA USTAVNOG SUDA FBiH	6
6.	PLANIRANJE, DONOŠENJE BUDŽETA I IZVJEŠTAVANJE	7
7.	FINANSIJSKI IZVJEŠTAJI	8
7.1	GODIŠNJI IZVJEŠTAJ O IZVRŠENJU BUDŽETA.....	8
7.1.1	Rashodi, izdaci i finansiranje.....	8
7.1.1.1	Plate i naknade troškova zaposlenih.....	8
7.1.1.2	Izdaci za materijal, sitan inventar i usluge.....	10
7.1.1.3	Drugi tekući rashodi	10
7.2	BILANS STANJA.....	10
7.2.1	Stalna sredstva	10
7.2.2	Kratkoročne obaveze i razgraničenja	10
8.	VANBILANSNA EVIDENCIJA	10
9.	JAVNE NABAVKE	11
10.	KOMENTAR	11
IV	PRILOG GODIŠNJI FINANSIJSKI IZVJEŠTAJI	12
	<i>Godišnji izvještaj o izvršenju budžeta za 2017. godinu</i>	<i>13</i>
	<i>Bilans stanja na dan 31.12.2017. godine</i>	<i>16</i>



I MIŠLJENJE REVIZORA

Mišljenje revizora se daje na osnovu provedene finansijske revizije koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija iskazanih u finansijskim izvještajima sa zakonskim i ostalim propisima.

1. MIŠLJENJE O FINANSIJSKIM IZVJEŠTAJIMA

Uvod

Izvršili smo reviziju finansijskih izvještaja **Ustavnog suda Federacije Bosne i Hercegovine za 2017. godinu** koji obuhvataju: Račun prihoda i rashoda, Bilans stanja, Izvještaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta i Analizu izvršenja budžeta – tekstualni dio.

Odgovornost rukovodstva za finansijske izvještaje

Rukovodstvo **Ustavnog suda Federacije Bosne i Hercegovine** odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, koji je definisan Zakonom o budžetima u FBiH, Zakonom o računovodstvu i reviziji u FBiH, Uredbom o računovodstvu budžeta u FBiH, Pravilnikom o knjigovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze usljed prevare ili greške.

Odgovornost revizora

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija u FBiH i primjenjivim Međunarodnim standardima vrhovnih revizorskih institucija (ISSAI 1000-1810). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji **Ustavnog suda Federacije Bosne i Hercegovine** ne sadrže značajne pogrešne iskaze usljed prevare i greške. Revizija uključuje obavljanje postupaka u cilju pribavljanja revizorskih dokaza o iznosima i objavama u finansijskim izvještajima. Izbor postupka je zasnovan na prosuđivanju revizora, uključujući procjenu rizika značajnog pogrešnog prikazivanja u finansijskim izvještajima usljed prevare ili greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja u cilju odabira revizorskih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja. Revizor također ocjenjuje finansijsko upravljanje, funkciju interne revizije i sistem internih kontrola.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

Pozitivno mišljenje

Prema našem mišljenju, finansijski izvještaji **Ustavnog suda Federacije Bosne i Hercegovine**, prikazuju fer i istinito, u svim materijalnim aspektima, stanje imovine, obaveza i izvora sredstava na dan 31.12.2017. godine i izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.

Skretanje pažnje

Bez kvalifikacije na dato mišljenje o finansijskim izvještajima, skrećemo pažnju na sljedeće:

- **Obaveze po osnovu pravosnažnih sudskih presuda iz radnog odnosa u iznosu od 277.043 KM, evidentirane su na poziciji razgraničenih rashoda po instrukciji Federalnog ministarstva finansija o načinu evidentiranja obaveza po pravosnažnim presudama u glavnoj knjizi (tačka 7.2.2. Izvještaja).**



2. MIŠLJENJE O USKLAĐENOSTI

Uvod

Izvršili smo i reviziju usklađenosti aktivnosti, finansijskih transakcija i informacija iskazanih u finansijskim izvještajima **Ustavnog suda Federacije Bosne i Hercegovine za 2017. godinu**, sa značajnim zakonima i drugim propisima.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, rukovodstvo **Ustavnog suda Federacije Bosne i Hercegovine** je također odgovorno da osigura da su aktivnosti, finansijske transakcije i informacije iskazane u finansijskim izvještajima u skladu sa propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje sredstava odobrenih budžetom institucije za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora

Reviziju usklađenosti smo izvršili u skladu sa Zakonom o reviziji institucija u FBiH i ISSAI 4000-Standard za reviziju usklađenosti. Pored gore navedene odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije iskazane u finansijskim izvještajima, u svim materijalnim aspektima, u skladu sa zakonima i drugim propisima kojima su regulisane. Ova odgovornost uključuje obavljanje procedura kako bi pribavili revizijske dokaze o tome da li je poslovanje **Ustavnog suda Federacije Bosne i Hercegovine za 2017. godinu** prema definisanim kriterijima, usklađeno sa zakonima i drugim propisima.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

Pozitivno mišljenje

Prema našem mišljenju aktivnosti, finansijske transakcije i informacije prikazane u finansijskim izvještajima **Ustavnog suda Federacije Bosne i Hercegovine za 2017. godinu** u skladu su, u svim materijalnim aspektima, sa zakonima i drugim propisima kojima su regulisane.

Skretanje pažnje

Bez kvalifikacije na dato mišljenje o usklađenosti, skrećemo pažnju na sljedeće:

- **Ustavni sud Federacije Bosne i Hercegovine je donio 49 rješenja o neizvršenju po presudama, za koje nadležni organi za izvršenje nisu postupili, a tužilaštva nisu poduzela odgovarajuće mjere za neprovođenje istih. Navedeno ukazuje da se značajan dio presuda Ustavnog suda ne provodi, niti se po rješenjima o neprovođenju istih poduzimaju adekvatne mjere (tačka 5. Izvještaja).**

Sarajevo, 04.07.2018. godine.

ZAMJENIK GENERALNOG REVIZORA
Dragan Kolobarić, dipl.oec.

GENERALNI REVIZOR
Dževad Nekić, dipl.oec.



II KRITERIJI ZA REVIZIJU

Ured za reviziju institucija u Federaciji Bosne i Hercegovine, u okviru finansijske revizije provodi i reviziju finansijskih izvještaja i reviziju usklađenosti. Revizija usklađenosti, u okviru finansijske revizije, podrazumijeva proces objektivnog prikupljanja i procjenjivanja dokaza, kako bi se utvrdilo da li je dati predmet revizije, tj. finansijski izvještaji, kao i aktivnosti, finansijske transakcije i informacije prikazane u finansijskim izvještajima, usklađen sa odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Kriteriji za reviziju finansijskih izvještaja su sljedeći:

- Zakon o budžetima u FBiH;
 - Uredba o računovodstvu budžeta u FBiH;
 - Pravilnik o knjigovodstvu budžeta u FBiH;
 - Pravilnik o finansijskom izvještavanju i godišnjem obračunu budžeta u FBiH
- Zakon o računovodstvu i reviziji u FBiH.

Kriterij za reviziju usklađenosti su sljedeći:

- Zakon o budžetima u FBiH;
- Zakon o izvršenju Budžeta FBiH za 2017. godinu;
- Budžet FBiH za 2017. godinu;
- Zakon o trezoru u FBiH;
- Zakon o javnim nabavkama;
- Zakon o državnoj službi u FBiH;
- Zakon o platama i naknadama u organima vlasti FBiH;
- Zakon o porezu na dohodak;
- Zakon o doprinosima;
- Zakon o finansijskom upravljanju i kontroli u javnom sektoru u FBiH;
- Zakon o plaćama i drugim naknadama sudija i tužilaca u FBiH;
- Odluka o organizaciji Ustavnog suda Federacije Bosne i Hercegovine;
- Zakon o postupku pred Ustavnim sudom FBiH;
- Poslovnik Ustavnog suda FBiH.



III IZVJEŠTAJ O REVIZIJI

1. UVOD

Ustavni sud Federacije Bosne i Hercegovine (u daljem tekstu: Ustavni sud) osnovan je u skladu sa Ustavom Federacije Bosne i Hercegovine¹ i počeo je sa radom 10. januara 1996. godine. Struktura, organizacija, način rada, budžetiranje i sve druge pretpostavke za rad Ustavnog suda propisane su Odlukom o organizacija Ustavnog suda Federacije Bosne i Hercegovine², kao organski opštim pravnim aktom koji donosi Ustavni sud samostalno.

Nadležnost Ustavnog suda utvrđena je prvenstveno odredbama Ustava FBiH i amandmana na Ustav FBiH, gdje je propisano da je Ustavni sud nadležan za rješavanje sporova između kantona, između kantona i federalne vlasti, između grada i njegovog kantona, između institucija federalne vlasti ili unutar institucija federalne vlasti, saglasnosti federalnih i kantonalnih zakona sa Ustavom Federacije Bosne i Hercegovine, bilo da je usvojen ili u fazi prijedloga, saglasnost propisa koje donose organi vlasti u FBiH, odlučivanje o postavljenom ustavnom pitanju od stane nadležnih sudova, zaštita prava na lokalnu samoupravu, postojanje vitalnog interesa konstitutivnih, smjenjivanje predsjednika i potpredsjednika FBiH, odlučivanje o imunitetu i davanje mišljenja zamjeniku Premijera Vlade FBiH. Međutim, kad je u pitanju zaštita ljudskih prava i osnovnih sloboda, ta zaštita sadržana je u postupku ocjene ustavnosti, gdje Ustavni sud u svojim odlukama utvrđuje povredu određenih prava i sloboda, te utvrđuje da li su pojedine odredbe zakona ili provedbenog propisa suprotne Ustavu Federacije Bosne i Hercegovine, Evropskoj konvenciji o zaštiti ljudskih prava i osnovnih sloboda, te nalaže zakonodavnom organu da otkloni te neustavnosti u određenom roku koji je propisan Ustavom.

Ustavnim sudom rukovodi Predsjednik Ustavnog suda. U toku 2017. godine došlo je do izbora novog predsjednika Ustavnog suda i od 25.5.2017. godine izabrana je sutkinja Vesna Budimir, a do tog perioda navedenu funkciju je obavljala Aleksandra Martinović.

U 2017. godini bilo je sedam imenovanih sudija od devet predviđenih Ustavom FBiH. Pravilnikom o unutrašnjoj organizaciji Stručne službe Ustavnog suda sistematizovana su radna mjesta za 32 zaposlenika, a na dan 31.12.2017. godine bilo je 17 uposlenih. Budžetom za 2017. godinu planirani broj uposlenih je 26.

Sjedište Ustavnog suda je u Sarajevu, u ulici Valtera Perića broj 15.

2. PREDMET, CILJ I OBIM REVIZIJE

Predmet revizije su finansijski izvještaji Ustavnog suda Federacije Bosne i Hercegovine za 2017. godinu i usklađenost aktivnosti, finansijskih transakcija i informacija iskazanih u finansijskim izvještajima sa značajnim zakonima i drugim propisima.

Cilj finansijske revizije je da na osnovu provedene revizije izrazi mišljenje da li su finansijski izvještaji pouzdani i da li bilanci u potpunosti odražavaju rezultate izvršenja budžeta. Revizijom će se procijeniti da li rukovodstvo institucije primjenjuje zakone i propise i koristi sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu sa internim planskim dokumentima revizije, sa prekidima u periodu od decembra 2017. godine do maja 2018. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

¹ „Sl. novinama FBiH“ 1/94 ... 88/08

² „Sl. novinama FBiH“ 68/10 – Prečišćeni tekst



3. PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA

Ured za reviziju institucija u FBiH drugi put obavlja reviziju finansijskih izvještaja Ustavnog suda. U prethodnoj reviziji za 2001. godinu, dato je mišljenje s rezervom. Imajući u vidu značajan protok vremena i izmjenu zakonskih propisa na osnovu kojih su date preporuke, u obavljenoj finansijskoj reviziji za 2017. godinu, nismo procjenjivali postupanja po istima.

4. SISTEM INTERNIH KONTROLA

Sistem internih kontrola

Radi ostvarenja programskih ciljeva rada, menadžment je odgovoran za uspostavljanje funkcionalnog sistema interne kontrole u cilju ekonomičnog, efikasnog i efektivnog trošenja javnih sredstva. Faktor koji najviše utiče na funkcionalnost istog je povoljno kontrolno okruženje koje prvenstveno dolazi do izražaja kroz organizacionu strukturu, način rukovođenja i poštivanja postojećih zakonskih propisa.

Odlukom o organizacija Ustavnog suda FBiH uređuje se organizacija Ustavnog suda i njegove stručne službe, način rada, budžetiranje, način imenovanja predsjednika i dva potpredsjednika Ustavnog suda. Rad Ustavnog suda obavlja se u stalnim i povremenim komisijama i drugim radnim tijelima. Stalne komisije, koje se sastoje od troje sudija, su: redakciona komisija, komisija za administrativna pitanja i komisija za informisanje i publikacije.

Ustavni sud ima predsjednika i dva potpredsjednika koje bira Ustavni sud, većinom glasova svih sudija. Mandat predsjednika i potpredsjednika Ustavnog suda traje jednu godinu, a započinje teći izborom. Predsjednik i potpredsjednici ne mogu biti uzastopno više od dva puta birani na tu dužnost. **Uočili smo da se imenovanja vrše krajem mjeseca maja, godine za koju se vrši imenovanje, što prouzrokuje da je imenovani Predsjednik Ustavnog suda odgovoran za izvršenje budžeta koji je predložio prethodni predsjednik i isti je već izvršen za pet mjeseci. Navedeno rezultira obavezom potpisivanja fiskalne izjave dva predsjednika za jednu godinu, kao i nemogućnost planiranja i izvršenja budžeta za tekuću godinu za vrijeme mandata jednog Predsjednika Ustavnog suda.**

Pravilnikom o unutrašnjoj organizaciji Stručne službe Ustavnog suda, iz 2016. godine, uređena je organizacija i zadaci Stručne službe Ustavnog suda, rukovođenja službom, te opis radnih mjesta državnih službenika i namještenika. Navedenim pravilnikom sistematizovano je Odjeljenje za finansijsko i materijalno poslovanje sa jednim rukovodiocem i 3 službenika, od kojih je popunjeno samo jedno mjesto službenika „Viši referent za poslove ekonomata“. Pravilnikom je definisano da se finansijsko i materijalni poslovi mogu povjeriti drugoj instituciji što se reguliše posebnim aktom. Sporazum o zajedničkom organizovanju i vođenju računovodstveno-materijalnog knjigovodstva i kontrole materijalno-finansijskog poslovanja je zaključen 07.12.2006. godine između Vrhovnog suda FBiH i Ustavnog suda FBiH, Federalnog tužilaštva FBiH i Federalnog pravobranilaštva FBiH. Na navedeni sporazum Vlada FBiH je dala saglasnost 29.01.2007. godine, a istim je utvrđeno da će usposlenici Odsjeka za računovodstveno-materijalne poslovne Vrhovnog suda obavljati računovodstvene poslove i internu kontrolu i reviziju za potpisnike sporazuma, do momenta prestanka važenja sporazuma.

Ustavni sud je usvojio značajan broj internih akata i procedura u cilju uspostavljanja sistema internih kontrola. Ističemo da je većina internih akata Ustavnog suda usklađena sa pozitivno pravnim propisima.

Pravilnik o finansijskom upravljanju i kontroli u Ustavnom sudu usvojen je 05.02.2018. godine u skladu sa Zakonom o finansijskom upravljanju i kontroli u javnom sektoru u FBiH³, i isti obuhvata godišnju procjenu rizika po procesima kao i uspostavljanje registra rizika i definisanje kontrolnih aktivnosti. U skladu sa navedenim Zakonom i Standardima unutrašnje kontrole u javnom sektoru u FBiH, te drugim propisima i aktima kojima se reguliše interna kontrola u subjektu revizije, Ustavni sud

³ „Sl. Novine FBiH“, 38/16



je imenovao koordinatora za finansijsko upravljanje i kontrolu. Godišnji izvještaj o funkcionisanju sistema finansijskog upravljanja i kontrola dostavljen je Centralnoj harmonizacijskoj jedinici 23.02.2018. godine.

Izjava o fiskalnoj odgovornosti sačinjena je i dostavljena Federalnom ministarstvu finansija u skladu sa članom 2. i 6. Pravilnika o obliku i sadržaju načina popunjavanja i predaje izjave o fiskalnoj odgovornosti i to za period 01.01.2017. godine do 24.05.2017. godine za predsjednicu Aleksandru Martinović i od 25.05.2017. godine do 31.12.2017. godine za predsjednicu Vesna Budimir.

Preporuka:

- **Preispitati mogućnost usklađivanja mandata Predsjednika suda sa budžetskom kalendarskom godinom radi lakšeg provođenja i nadzora nad internim kontrolama u dijelu donošenja budžeta, izvršenja, te izvještavanja o izvršenju u skladu sa zakonskim i drugih propisima.**

Interna revizija

Zakonom o internoj reviziji u javnom sektoru u FBiH⁴ i izmjenama i dopunama Pravilnika o kriterijima za uspostavljanje jedinica za internu reviziju u javnom sektoru u FBiH, predviđeno da će internu reviziju za Ustavni sud obavljati jedinica za internu reviziju Federalnog ministarstva finansija. U 2017. godini izvršena revizija putnih troškova i popisa stalnih sredstava, obaveza i potraživanja, te konstatovano da je sistem internih kontrola u revidiranim procesima zadovoljavajući.

5. IZVRŠAVANJE PRESUDA USTAVNOG SUDA FBIH

Pravila postupka pred Ustavnim sudom propisana su Zakonom o postupku pred Ustavnim sudom FBiH⁵ i Poslovníkom Ustavnog suda FBiH⁶. Postupak pred Ustavnim sudom mogu pokrenuti samo subjekti koji su za to ovlaštteni Ustavom Federacije BiH. Rješavajući po predmetima Ustavni sud donosi presude, rješenja i mišljenja. Presude donosi ako odlučuje o rješavanju sporova, ocijeni ustavnosti, meritumu kod zaštite vitalnog interesa jednog od konstitutivnih naroda, zaštiti prava na lokalnu samoupravu i postavljenom ustavnom pitanju. Rješenje donosi ako odlučuje o smjeni Predsjednika, odnosno Potpredsjednika FBiH, kada odlučuje o imunitetu, o prihvatljivosti odlučivanja kod vitalnog nacionalnog interesa, ako donosi privremenu mjeru odnosno naredbu, kao i u svim drugim slučajevima u kojima Ustavni sud ne donosi presudu. Mišljenje daje povodom zahtjeva zamjenika Premijera Vlade FBiH.

Utvrđena neustavnost zakona ili drugog akta od strane Ustavnog suda, ima za posljedicu da se taj zakon ili propis neće primjenjivati, osim ukoliko se ne izmijeni na način koji propiše Ustavni sud ili ukoliko Ustavni sud ne utvrdi prijelazna rješenja. Imajući u vidu ova ustavna određenja, kao i posljedice koje bi mogle nastati nepostojanjem zakonskih rješenja, Ustavni sud je u pojedinim sistemskim zakonima utvrdio prijelazno rješenje i naložio Parlamentu FBiH odnosno skupštini kantona da zakon odnosno pojedine odredbe zakona usaglasi sa Ustavom FBiH do kada se te odredbe odnosno zakon može primjenjivati.

Odluke Ustavnog suda su konačne i obavezujuće. Svi organi vlasti u FBiH dužni su, u okviru svojih nadležnosti utvrđenih Ustavom FBiH i Zakonom o postupku pred Ustavnim sudom FBiH provoditi odluke Ustavnog suda, a izvršenje odluka osigurava Premijer FBiH u skladu sa Ustavom FBiH. Organ koji je obavezan da izvrši odluku Ustavnog suda, dužan je dostaviti obavještenje o preduzetim mjerama sa ciljem izvršenja odluke Ustavnog suda u roku koji je određen u odluci. U slučaju nepostupanja, odnosno kašnjenja u izvršavanju ili obavještanju Ustavnog suda o preduzetim mjerama, donosi se rješenje kojim se utvrđuje da odluka nije izvršena. Ovo rješenje dostavlja se nadležnom tužilaštvu, odnosno drugom organu nadležnom za izvršenje kojeg odredi Ustavni sud.

Ustavni sud kontinuirano prati izvršenje odluka u skladu sa članom 40. i 41. Zakona o postupku pred Ustavnim sudom FBiH i članom 61. Poslovníka Ustavnog suda FBiH, kojima je definisana obaveza pribavljanja obavještenja o poduzetim mjerama s ciljem izvršenja odluka Ustavnog suda. Nakon proteka definisanog roka u presudama za usklađivanje određenih zakona ili drugih propisa, prikupljaju se podaci od strane Premijera

⁴ „Sl. Novine FBiH“, 47/08 i 101/16

⁵ „Sl. Novine FBiH“, 6/95 i 37/03

⁶ „Sl. Novine FBiH“ 40/10 i 18/16



FBiH o postupanju po presudama, nakon čega se donosi Rješenje o neizvršenju presuda koje se objavljuje u službenim novinama i dostavlja Federalnom tužilaštvu FBiH na dalje postupanje. Po donošenju rješenja o neizvršenju presuda, Ustavni sud ne raspolaže podacima da li su neke od presuda naknadno izvršene, niti je navedeno utvrđeno zakonskim ili nekim drugim propisom.

U 2017. godini, zaprimljeno je ukupno 69 predmeta od čega su riješena 34 predmeta (23 presude i 11 rješenja). Također, riješeni su i sedam predmeta preneseni iz ranijeg perioda.

Aktom S-115/17 od 01.12.2017. godine tražena je informacija od Premijera Vlade FBiH vezano za postupanje po 13 presuda sa rokom izvršenja u 2017. godini. U dostavljenom izjašnjenju o izvršenju presuda se potvrdilo postupanje samo po dvije presude. Za preostalih 11 presuda, za koje nije postupljeno, Ustavni sud je donio nacrt rješenja o neizvršenju koji nisu bili usvojeni u toku obavljanja revizije. Do 2017. godine Ustavni sud je donio 49 rješenja o neizvršenju i to po godinama kako slijedi:

Godina	Rješenja o neizvršenju po nivou izvršenja			
	FBiH	Kantoni	Općine	Ukupno
1	2	3	4	5=2+3+4
2011	7	5	1	13
2012	4	2	1	7
2013	8	4	2	14
2014	4	0	1	5
2015	3	1	2	6
2016	4	0	0	4
Ukupno	30	12	7	49

Navedena rješenja o neizvršenju su kontinuirano dostavljana nadležnim tužilaštvima na dalje postupanje. Početkom 2018. godine Ustavni sud je dobio dvije obavijesti o neprovođenju istrage od Kantonalnog tužilaštva Kantona Sarajevo za presude iz 2010. i 2011. godine uz obrazloženje da nije mogla biti utvrđena namjera činjenja krivičnog djela, a ukoliko je izvršena iz nehaja onda ne postoji krivična odgovornost.

Ustavni sud je 24.04.2018. godine dostavio Federalnom tužilaštvu četiri rješenja o neizvršenju presuda iz 2016. godine na dalje postupanje. Zaprimljeno je obavještenje da su pojedini predmeti proslijeđeni nadležnim kantonalnim tužilaštvima.

Utvdili smo da je Ustavni sud, do okončanja obavljanja revizije, donio 49 rješenja o neizvršenju po presudama i 11 rješenja je u nacrtu, te rješenja prosljeđio nadležnim tužilaštvima. Obzirom na broj donijeti rješenja o neizvršenju kao i na dostavljena obavještenja od tužilaštva, konstatujemo da se značajan dio presuda Ustavnog suda ne provodi niti se po rješenjima o neprovođenju istih poduzimaju adekvatne mjere. O navedenom, u narednom periodu, trebalo bi izvršiti analizu o naknadnom postupanju i poduzeti određene mjere po istom.

Preporuka:

- *U saradnji sa nadležnim institucijama pokrenuti inicijativu na donošenje propisa kojim bi se regulisalo praćenje izvršenja presuda nakon izricanja rješenja o neizvršenju.*

6. PLANIRANJE, DONOŠENJE BUDŽETA I IZVJEŠTAVANJE

Budžetom FBiH za 2017. godinu odobrena su sredstva u iznosu od 1.515.656 KM, što je za 142.207 KM manje u odnosu na budžetski zahtjev. Rebalansom je u osnovu na odobreni budžet samo izvršena preraspodjela na pojedinačnim pozicijama na materijalnim troškovima i izdacima. U zakonskom roku dostavljen je Federalnom ministarstvu finansija budžetski zahtjev za 2017. godinu na iznos od 1.657.863 KM.

Članom 4. Odluke o organizaciji Ustavnog suda FBiH je određeno da svoju organizaciju i djelatnost ostvaruje na principu finansijske neovisnosti, koja se ogleda u neovisnom utvrđivanju prijedloga budžetskih sredstava u tekućoj godini, potrebnim za izvršavanje nadležnosti, koji dostavlja Vladi FBiH u cilju uključivanja prijedloga budžeta Ustavnog suda u Budžet FBiH.



Shodno navedenom Ustavni sud nezavisno donosi finansijski plan, kojim planira i donosi odluke o ostvarivanju prihoda i izvršavanju rashoda za tekuću godinu. Finansijski plan za 2017. godinu donio je tek 14.06.2017. godine sa detaljnim obrazloženjima svih rashoda i nabavki roba i usluga na osnovu odobrenog budžeta za 2017. godinu. Finansijski plan i Plan nabavki se usvajaju na način da Stručna služba sačini nacrt plana koji se dostavlja nadležnoj Komisiji za administrativna pitanja na razmatranje i mišljenje. Nakon dobivenog mišljenja Komisije, planovi se razmatraju na sjednici Suda koji u konačnici i usvaja isti. Utvrdili smo da su isti u 2017. godini, sačinjeni i upućeni Komisiji 03.02.2017. godine. Međutim, razmatrani su tek 22.03.2017. godini i nisu usvojeni uz obrazloženje da se za finansijski plan i periodične izvještaje treba pribaviti mišljenje Ureda za reviziju institucija u FBiH prije razmatranja. Iako je na sjednicama Ustavnog suda upozoravano na kašnjenje u usvajanju navedenih akata, isto nije imalo uticaja na ubrzanje procedure usvajanja istih. U maju 2017. godine, u skladu sa propisima, došlo je do promjene predsjednika i potpredsjednika suda, nakon čega je Komisija dala mišljenje na sjednici 14.06.2017. godine, na kojoj je usvojen Finansijski plan i Plan nabavke za 2017. godine u prvobitnom tekstu bez izmjena istih.

Novom Odlukom o položaju, organizaciji, funkcionisanju, samostalnosti i upravno - materijalnoj nezavisnosti Ustavnog suda FBiH⁷, nije propisana obaveza usvajanja finansijskog plana Ustavnog suda, te se finansijska nezavisnost ogleda u nezavisnom utvrđivanju prijedloga budžetskih zahtjeva potrebnih za izvršavanje nadležnosti Ustavnog suda, koji se dostavlja Vladi FBiH i Federalnom ministarstvu finansija u cilju uključivanja u Budžet FBiH.

Godišnje računovodstvene izvještaje za 2017. godine Ustavni sud je sačinio i dostavio nadležnim organima i institucijama u skladu sa važećim propisima i u utvrđenom roku.

7. FINANSIJSKI IZVJEŠTAJI

7.1 GODIŠNJI IZVJEŠTAJ O IZVRŠENJU BUDŽETA

7.1.1 Rashodi, izdaci i finansiranje

U Godišnjem izvještaju o izvršenju budžeta za 2017. godinu, iskazani su rashodi i izdaci u iznosu od 1.277.387 KM, što u odnosu na operativni budžet 1.366.970 KM predstavlja ostvarenje od 93%.

Strukturu rashoda i izdataka čine: plate, naknade i doprinosi 1.179.590 KM (92%), izdaci za materijal i usluge 86.150 KM (7%) i drugi rashodi i nabavka stalnih sredstava 11.750 KM (1%).

Struktura planiranih i ostvarenih rashoda i izdataka sa indeksima ostvarenja, iskazana je u finansijskim izvještajima u prilogu.

7.1.1.1 Plate i naknade troškova zaposlenih

Bruto plate, naknade plata i doprinosi sa 31.12.2017. godine iskazani su u iznosu od 1.179.590 KM. U odnosu na prethodnu godinu ovi izdaci i rashodi manji za 170.129 KM ili 13%. Na 31.12.2017. godine broj zaposlenih je 24 i to 7 sudija i 17 službenika i namještenika. U toku godine za dva lica je prestao radni odnos, a nakon javnog konkursa i oglasa uposlena su tri nova uposlenika.

Plate i naknade sudijama Ustavnog suda regulisane su Zakonom o platama i drugim naknadama sudija i tužilaca u FBiH⁸, dok se za službenike i namještenike primjenjuje Zakon o platama i naknadama u organima vlasti FBiH⁹ i Uredba o naknadama i drugim materijalnim pravima koje nemaju karakter plata¹⁰.

Zakonom o platama i drugim naknadama sudija i tužilaca u FBiH utvrđene su osnovne mjesečne plate sudija Ustavnog suda u iznosu od: za predsjednika suda 4.400 KM, šefove odjeljenja 4.000 KM i

⁷ „Sl. Novine FBiH“, 6/18

⁸ „Sl. novine FBiH“ br.72/05,22/09 i 55/13

⁹ „Sl. novine FBiH“ br 45/10,111/12 i 20/17

¹⁰ „Sl. novine FBiH“ br 63/10,22/11,66/11 i 51/12



sudije 3.800 KM. Članom 6. navedenog Zakona definisano je da se osnovna mjesečna plata neće povećavati sve dok prosječna mjesečna neto plata u BiH, izračunata za kalendarsku godinu, ne dostigne ili ne pređe iznos od 800 KM. Počev od godine koja uslijedi nakon navedenog povećanja, osnovna mjesečna plata sudija će se godišnje korigovati za procenat povećanja prosječne mjesečne neto plate u BiH.

Po navedenom se počelo postupati u 2016. godini, kada je, uz saglasnost Federalnog ministarstva finansija, izvršena korekcija plata (4% uvećanje u odnosu na prvobitni iznos), a za period 2012-2015. godine pokrenute su tužbe zbog nepostupanja po navedenom članu Zakona, odnosno za manje isplaćen lični dohodak (vrijednost spora 15.590 KM bez zateznih kamata i sudskih troškova). Po navedenom, u 2017. godini donesena je Presuda i Rješenje o izvršenju, a do okončanja revizije isto nije isplaćeno.

U 2017. godini je, uz saglasnost Federalnog ministarstva finansija, izvršena korekcija plate za sudije unosom vrijednosti boda u iznosu od 105,01 KM što predstavlja povećanje za 0,96% u odnosu na prethodnu godinu. Korekcija plata je izvršena u mjesecu martu 2017. godine za januar i februar, te do kraja 2017. godine se nastavila primjenjivati utvrđena vrijednost boda, tako je osnovna plata predsjednika Ustavnog suda iznosila 4.864 KM (4.620 KM neto), a sudija 4.200 KM (3.990 KM neto).

Naknade troškova zaposlenih iskazane su u iznosu od 71.423 KM, što je u odnosu na prethodnu godinu manje za 47.868 KM ili 40%. Iste se odnose na: topli obrok 42.792 KM, prevoz na posao i sa posla 12.217 KM, regres za godišnji odmor 9.460 KM, otpremnine zbog odlaska u penziju 5.237 KM i pomoć u slučaju bolesti 1.718 KM. Regres za službenike i namještenike Ustavnog suda isplaćen je u skladu sa propisima u iznosu od 430 KM (50 % prosječne plate u FBiH). Članom 8. Zakona o platama i drugim naknadama sudija i tužilaca u FBiH, utvrđeno je pravo na naknadu za godišnji odmor sudijama u visini od 50% osnovne mjesečne plate iz tačke a) člana 2., odnosno tačke a) člana 3. Zakona. Shodno navedenom, izvršen je obračun naknade u iznosu od 1.260 KM, od čega je dio naknade u iznosu od 430 KM neoporeziv, a za iznos od 830 KM izvršen je obračun poreza i doprinosa u skladu sa Zakonom o porezu na dohodak. Ukupno isplaćen regres za sudije je neto 8.243 KM (bruto 12.348 KM).

Obračun i isplata naknada vršena je u skladu sa propisima koji regulišu pojedine vrste ovih naknada.

Ustavni sud FBiH je u julu 2017. godine donio Presudu¹¹ kojom je utvrđeno da su odredbe Zakona o platama i drugim naknadama sudija i tužilaca u FBiH, u dijelu koji se odnosi na sudije, predsjednika i šefove odjela Ustavnog suda u nesaglasnosti sa Ustavom FBiH. Istom je naloženo Parlamentu FBiH da u roku od 6 mjeseci, od dana objave odluke u službenim novinama (tj. do 21.01.2018. godine), donese Zakon o Ustavnom sudu FBiH, kojim će se razraditi samostalnost i upravno-materijalna nezavisnost Ustavnog suda, uključujući plate i druga primanja sudaca, a ukoliko Parlament ne postupi po navedenom, Ustavni sud će posebnim pravnim aktom urediti navedena pitanja. Obzirom da u ostavljenom roku nije postupljeno po Presudi, Ustavni sud je donio „Odluku o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda FBiH“¹². Na osnovu navedene Odluke usvojen je Pravilnik o pravima, obavezama, platama i drugim naknadama sudija Ustavnog suda FBiH od 29.01.2018. godine. Pravilnikom su definisane plate i naknade za sudije i to osnovna neto plata predsjednika Ustavnog suda u iznosu od 4.600 KM, potpredsjednika 4.200 KM, sudije koji je predsjednik Vijeća za zaštitu vitalnih interesa 4.200 KM, sudije koji je član Vijeća 4.100 KM i sudije 4.000 KM, a propisano je da će se plate godišnje korigovati za procenat eventualnog povećanja prosječne mjesečne neto plate u FBiH. Prema dostupnim saznanjima u 2018. godini, Vlada FBiH je usvojila i uputila u parlamentarnu proceduru Nacrt Zakona o Ustavnom sudu FBiH, koji nije razmatran do okončanja revizije.

¹¹ „Sl. novine FBiH“ br. 55/17 od 21.07.2017. godina

¹² „Sl. novine FBiH“ broj 6/18



7.1.1.2 Izdaci za materijal, sitan inventar i usluge

Izdaci za materijal, sitan inventar i usluge iskazani su u iznosu od 86.150 KM, što je u odnosu na izvršenje prethodne godine manje za 30.828 KM ili 26%. Strukturu izdataka čine: ugovorene usluge 28.017 KM, nabavka materijala i sitnog inventara 24.583 KM, izdaci za troškove održavanja 15.980 KM, izdaci za komunikaciju 9.432 KM, izdaci za osiguranje i bankarske usluge 9.432 KM, putni troškovi 2.115 KM i usluge prevoza i goriva 1.657 KM.

Uvidom u dokumentaciju za odabrani uzorak za izdataka za materijal, sitan inventar i usluge nismo utvrdili nepravilnosti.

7.1.1.3 Drugi tekući rashodi

Drugi tekući rashodi iskazani su u iznosu 8.600 KM, a odnose se na isplatu izvršnih sudskih presuda po osnovu neisplaćenih plata i naknada koje nemaju karakter plata (glavnice), prema instrukcijama Federalnog ministarstva finansija i raspoloživim sredstvima u budžetu. Na ime sudskih presuda u 2017. godini isplaćeno je 13.200 KM i to 8.600 KM glavnice – razlike plata i naknada koje nemaju karakter plata i 4.600 KM zatezних kamata, što znači da zatezna kamata iznosi 53% od iznosa glavnice.

7.2 BILANS STANJA

7.2.1 Stalna sredstva

U finansijskim izvještajima Ustavnog suda na dan 31.12.2017. godine iskazana su stalna sredstva sadašnje vrijednosti 16.509 KM. Izvršen je godišnji popis i usklađivanje stvarnog i knjigovodstvenog stanja stalnih sredstava, te rashodovanje neispravnih stalnih sredstava po izvršenom popisu u vrijednosti 6.174 KM.

7.2.2 Kratkoročne obaveze i razgraničenja

Kratkoročne obaveze i razgraničenja iskazani su u iznosu 123.816 KM od čega su kratkoročne obaveze 400.859 KM, a razgraničeni rashodi 277.043 KM. U okviru obaveza i razgraničenja iskazan je po istom osnovu iznos od 277.043 KM, koji se odnosi na sudske presude i izvršna sudska rješenja, što u prezentaciji finansijskih izvještaja ne proizvodi nikakav efekat.

Obzirom da obaveze po sudskim presudama i izvršnim sudskim rješenjima predstavljaju dospjele obaveze i da nisu ispunjeni uslovi za evidentiranje istih na poziciji razgraničenja, može se zaključiti da navedene obaveze nisu evidentirane u skladu sa Računovodstvenim politikama za federalne budžetske korisnike i trezor. Također, članom 76. Zakona o budžetima u FBiH propisano je da se rashodi i izdaci priznaju na osnovu nastanka poslovnog događaja (obaveze) i u izvještajnom periodu na koji se odnose, nezavisno od plaćanja. Navedeno je imalo uticaj na iskazivanje obaveza u finansijskim izvještajima koje su manje iskazane, odnosno podcijenjene za navedeni iznos.

Preporuka:

- *Dospjele obaveze iskazivati u skladu sa načelom modificiranog nastanka poslovnog događaja, odnosno, članom 76. Zakona o budžetima u FBiH, odredbama Pravilnika o knjigovodstvu budžeta u FBiH i Računovodstvenih politika za federalne budžetske korisnike i trezor.*

8. VANBILANSNA EVIDENCIJA

U vanbilansnoj evidenciji na dan 31.12.2017. godine iskazane su potencijalne obaveze po sudskim sporovima iz radnog odnosa koji su u toku (razlike plata, naknade koje nemaju karakter plata) u iznosu od 71.338 KM, koje su u odnosu na prošlu godinu uvećane za 44.466 KM.

9. JAVNE NABAVKE

Plan nabavki za 2017. godinu usvojen je 20.06.2017. godine, a planirane su nabavke u ukupnom iznosu od 65.854 KM (sa PDV-om).

Prema prezentiranim podacima, u 2017. godini provedena su 24 postupka nabavke, na osnovu kojih su realizirane nabavke u ukupnoj vrijednosti od 57.915 KM (sa PDV-a). Nakon provedenog konkurentskog zahtjeva za dostavu ponuda zaključen je ugovor u iznosu od 14.767 KM, a na osnovu 23 direktna sporazuma realizovane su nabavke u vrijednosti od 43.148 KM.

Uzorkom su obuhvaćeni: nabavka kancelarijskog materijala u iznosu od 14.767 KM i 4 postupka direktnog sporazuma ukupne vrijednosti 21.874 KM (nabavka tonera 6.946 KM, nabavka goriva 3.000 KM, održavanje informatičke opreme 6.000 KM i osiguranje uposlenih 5.928 KM). Uvidom u dokumentaciju vezano za provođenje postupaka javnih nabavki nismo uočili nepravilnosti.

Postupci nabavke su pokrenuti u drugoj polovini godine na osnovu kojih su zaključeni ugovori krajem godine, a koji će se realizirati u narednom periodu odnosno u budžetskoj 2018. godini (održavanje informatičke opreme 6.000 KM, fotokopir aparata 2.800 KM, softvera za ulazne i izlazne fakture 1.404 KM, osiguranje uposlenih 5.928 KM, gorivo 3.000 KM, štamparske usluge 2.465 KM, osiguranje vozila 1.993 KM - ukupno zaključena vrijednost ugovora 23.590 KM sa PDV-om). I u prethodnoj godini su krajem godine pokrenuti postupci nabavke na osnovu kojih su zaključeni ugovori za 2017. godinu (gorivo, usluge štamparskih usluga, osiguranje uposlenih, usluge održavanje softvera za ulazne/izlazne fakture, fotokopir aparata i informatičke opreme - ukupno realizovano po ovom osnovu 17.002 KM). **Iako se radi o nabavkama roba i usluga koje se odnose na redovno poslovanje i funkcionisanje Ustavnog suda i za koje se kontinuirano provode nabavke, smatramo da bi Plan nabavki i zaključeni ugovori nakon provedenih procedura trebali da prate odobreni budžet kojim su i obezbijeđeni izvori finansiranja za tekuću godinu.**

Preporuka:

- *Blagovremeno donijeti Plan nabavki i na osnovu istog provoditi postupke nabavke, te zaključivati ugovore za koje su odobrena sredstva budžetom za tekuću godinu.*

10. KOMENTAR

Ustavni sud Federacije Bosne i Hercegovine je u ostavljenom roku dostavio Izjašnjenje na Nacrt izvještaja o finansijskoj reviziji Ustavnog suda Federacije Bosne i Hercegovine za 2017. godinu, dopisom broj P-325-5/18 od 02.07.2018. godine. U Izjašnjenju je između ostalog navedeno, da nakon analize Nacrta izvještaja, nadležni Ustavnog suda nemaju komentara na isti, tako da je ovaj Izvještaj konačan, bez korekcija u odnosu na Nacrt izvještaja o finansijskoj reviziji za 2017. godinu.

Rukovodilac Sektora za finansijsku reviziju

Mirsada Janjoš, dipl. oec.

Tim za reviziju:

Azra Džeko, dipl.oec. - vođa tima

Vildana Hadžović, dipl.oec. - član tima

**IV PRILOG
GODIŠNJI FINANSIJSKI IZVJEŠTAJI**

Godišnji izvještaj o izvršenju budžeta za 2017. godinu					
Naziv institucije: Ustavni sud Federacije Bosne i Hercegovine					
Opis	Planirano	Ostvareno		Odstupanje (3-2)	Procenat (3/2x100)
		U tekućoj godini	U prethodnoj godini		
1	2	3	4	5	6
I. PRIHODI (od 1 do 16)	0	0	0	0	
PRIHODI OD POREZA (1+2+3+4+5+6+7+8)	0	0	0	0	
1. Porez na dobit pojedinca i preduzeća					
Porezi na dobit pojedinaca (zaostale uplate poreza)					
Porezi na dobit preduzeća					
Porez na dobit banaka i drugih finansijskih organizacija i društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća					
2. Doprinosi za socijalnu zaštitu					
3. Porezi na platu i radnu snagu					
4. Porez na imovinu					
5. Domaći porezi na dobra i usluge					
6. Porez na dohodak					
7. Prihodi od indirektnih poreza					
8. Ostali porezi					
NEPOREZNI PRIHODI (9+10)	0	0	0	0	
9. Prihodi od poduzetničkih aktivnosti i imovine i prihodi od pozitivnih kursnih razlika					
Prihodi od nefinansijskih javnih preduzeća i finansijskih javnih institucija					
Ostali prihodi od imovine					
Kamate i dividende primljene od pozajmica i učešća u kapitalu					
Naknade primljene od pozajmica i učešća u kapitalu					
Prihodi od pozitivnih kursnih razlika					
Prihodi od privatizacije					
Prihodi po osnovu premije i provizije za izdatu garanciju					
10. Naknade, takse i prihodi od pružanja javnih usluga, kazne i drugi prihodi					
Administrativne takse					
Sudske takse					
Komunalne naknade i takse					
Ostale budžetske naknade i takse					
Naknade i takse po federalnim zakonima i drugim propisima					
Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)					
Neplanirane uplate –prihodi					
Novčane kazne					
Drugi tekući prihodi					
PRIMLJENI TRANSFERI I DONACIJE (od 11 do 16)	0	0	0	0	
11. Primljeni tekući transferi od inostranih vlada i međunarodnih organizacija					
12. Primljeni tekući transferi od ostalih nivoa vlasti					
13. Primljeni kapitalni transferi od inostranih vlada					
14. Kapitalni transferi od ostalih nivoa vlasti i fondova					
15. Kapitalni transferi iz nevladinih izvora					
16. Donacije					

II. RASHODI (od 1 do 7)		1.512.506	1.274.340	1.505.750	-360.674	84%
1.	Plate i naknade troškova zaposlenih	1.269.478	1.074.296	1.232.051	-195.182	85%
	Bruto plate i naknade plata	1.168.365	1.002.873	1.112.760	-165.492	86%
	Naknade troškova zaposlenih	101.113	71.423	119.291	-29.690	71%
2.	Doprinosi poslodavca i ostali doprinosi	122.828	105.294	117.665	-17.534	86%
3.	Izdaci za materijal, sitan inventar i usluge	111.600	86.150	116.978	-25.450	77%
	Putni troškovi	5.700	2.115	4.832	-3.585	37%
	Izdaci za energiju	0	0	0	0	
	Izdaci za komunikaciju i komunalne usluge	10.000	9.432	8.594	-568	94%
	Nabavka materijala i sitnog inventara	26.000	24.583	16.409	-1.417	95%
	Izdaci za usluge prevoza i goriva	3.300	1.657	1.839	-1.643	50%
	Unajmljivanje imovine, opreme i nematerijalne imovine	0	0	0	0	
	Izdaci za tekuće održavanje	22.000	15.980	17.944	-6.020	73%
	Izdaci osiguranja, bankarskih usluga i usluga platnog prometa	7.000	4.366	5.057	-2.634	62%
	Ugovorene i druge posebne usluge	37.600	28.017	62.303	-9.583	75%
4.	Tekući transferi i drugi tekući rashodi	8.600	8.600	39.056	0	100%
	Tekući transferi drugim nivoima vlasti					
	Tekući transferi pojedincima					
	Tekući transferi neprofitnim organizacijama					
	Subvencije javnim preduzećima					
	Subvencije privatnim preduzećima i poduzetnicima					
	Subvencije finansijskim institucijama					
	Tekući transferi u inostranstvo					
	Drugi tekući rashodi	8.600	8.600	39.056	0	100%
5.	Kapitalni transferi	0	0	0	0	
	Kapitalni transferi drugim nivoima vlasti					
	Kapitalni transferi pojedincima					
	Kapitalni transferi neprofitnim organizacijama					
	Kapitalni transferi javnim preduzećima					
	Kapitalni transferi privatnim pred. i poduzetnicima					
	Kapitalni transferi finansijskim institucijama					
	Kapitalni transferi u inostranstvo					
6.	Izdaci za kamate	0	0	0	0	
	Kamate na pozajmice primljene kroz Državu					
	Izdaci za inostrane kamate					
	Kamate na domaće pozajmljivanje					
	Izdaci za kamate vezane za dug po izdanim garancijama					
7.	Tekuća budžetska rezerva					
	TEKUĆI SUFICIT (TEKUĆI DEFICIT) (I-II)	-1.512.506	-1.274.340	-1.505.750	238.166	84%
III. TRANSAKCIJE U STALNIM SREDSTVIMA						
1.	Primici od prodaje stalnih sredstava					
	Primici od prodaje stalnih sredstava					
	Primici od prodaje federalnih robnih rezervi					
	Ostali kapitalni primici					
2.	Izdaci za nabavku stalnih sredstava	3.150	3.047	9.858	-103	97%
	Nabavka zemljišta, šuma i višegodišnjih zasada					
	Nabavka građevina					
	Nabavka opreme	3.150	3.047	9.858	-103	97%
	Nabavka ostalih stalnih sredstava					
	Nabavka stalnih sredstava u obliku prava					
	Rekonstrukcija i investiciono održavanje					
	NETO NABAVKA STALNIH SREDSTAVA (2.-1.)	3.150	3.047	9.858	-103	97%
	A. NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (Tekući suficit/deficit – Neto nabavka stalnih sredstava)	-1.515.656	-1.277.387	-1.515.608	238.269	84%
IV. TRANSAKCIJE U FINANSIJSKOJ IMOVINI						
1.	Primici od finansijske imovine	0	0	0	0	

	Primljene otplate od pozajmljivanja drugim nivoima vlasti					
	Primljene otplate od pozajmljivanja pojedincima i neprofitnim organizacijama					
	Primljene otplate od pozajmljivanja javnim preduzećima					
	Primitak sredstava po osnovu učešća u dionicama javnih preduzeća					
	Primitak sredstava po osnovu učešća u dionicama privatnih preduzeća i u zajedničkim ulaganjima					
	Primljene otplate od ostalih vidova domaćeg pozajmljivanja					
	Primljene otplate od pozajmljivanja u inostranstvo					
2.	Izdaci za finansijsku imovinu	0	0	0	0	
	Pozajmljivanje drugim nivoima vlasti					
	Pozajmljivanje pojedincima, neprofitnim organizacijama i privatnim preduzećima					
	Pozajmljivanje javnim preduzećima					
	Izdaci za kupovinu dionica javnih preduzeća					
	Izdaci za kupovinu dionica privatnih preduzeća i učešće u zajedničkim ulaganjima					
	Ostala domaća pozajmljivanja					
	Pozajmljivanje u inostranstvo					
	B. NETO POVEĆANJE (SMANJENJE) FINANSIJSKE IMOVINE (1.-2.)	0	0	0	0	
	V. TRANSAKCIJE U FINANSIJSKIM OBAVEZAMA					
1.	Primici od zaduživanja	0	0	0	0	
	Primici od dugoročnog zaduživanja					
	Zajmovi primljeni kroz Državu					
	Primici od inostranog zaduživanja					
	Primici od domaćeg zaduživanja					
	Primici od kratkoročnog zaduživanja					
	Zajmovi primljeni kroz Državu					
	Primici od inostranog zaduživanja					
	Primici od domaćeg zaduživanja					
2.	Izdaci za otplate dugova	0	0	0	0	
	Otplate dugova primljenih kroz Državu					
	Vanjske otplate					
	Otplate domaćeg pozajmljivanja					
	Otplate unutarnjeg duga					
	Otplate duga po izdatim garancijama					
	Otkup duga					
	C. NETO ZADUŽIVANJE (NETO OTPLATE DUGOVA) (1.-2.)	0	0	0	0	
	UKUPAN FINANSIJSKI REZULTAT (A+B+C)	-1.515.656	-1.277.387	-1.515.608	238.269	84%

Rukovodstvo je Godišnji izvještaj o izvršenju budžeta za 2017. godinu odobrilo dana 16.02.2018. godine.

Vesna Budimir, Predsjednica suda

Bilans stanja na dan 31.12.2017. godine			
Naziv institucije: Ustavni sud Federacije Bosne i Hercegovine			
Opis	U obračunskom periodu tekuće godine	U istom obračunskom periodu prethodne godine	Procenat (2/3)x100
1	2	3	4
I AKTIVA			
A. Gotovina, kratkoročna potraživanja, razgraničenja i zalihe (1+...+8)	123.816	139.125	89%
1.Novčana sredstva i plemeniti metali	415	1.797	23%
2.Vrijednosni papiri			
3.Kratkoročna potraživanja	6	1.820	0%
4.Kratkoročni plasmani			
5.Financijski i obračunski odnosi s drugim povezanim jedinicama	122.329	134.002	91%
6.Zalihe materijala i robe			
7.Zalihe sitnog inventara			
8.Kratkoročna razgraničenja	1.066	1.506	71%
B. Stalna sredstva (11+14+17+18)	16.509	26.504	62%
9. Stalna sredstva	422.822	449.713	94%
10.Ispravka vrijednosti stalnih sredstava	406.313	423.209	96%
11.Neotpisana vrijednost stalnih sredstava (9-10)	16.509	26.504	62%
12.Dugoročni plasmani			
13.Ispravka vrijednosti dugoročnih plasmana			
14.Neotpisana vrijednost dugoročnih plasmana (12-13)			
15.Vrijednosni papiri			
16.Ispravka vrijednosti vrijednosnih papira			
17.Neotpisana vrijednost vrijednosnih papira (15-16)			
18.Dugoročna razgraničenja			
UKUPNO AKTIVA (A+B)	140.325	165.629	85%
II PASIVA			
C. Kratkoročne obaveze i razgraničenja (19+...+24)	123.816	139.125	89%
19.Kratkoročne tekuće obaveze	9.619	12.849	75%
20.Obaveze po osnovu vrijednosnih papira			
21.Kratkoročni krediti i zajmovi			
22.Obaveze prema zaposlenicima	114.197	126.276	90%
23.Financijski i obračunski odnosi s drugim povezanim jedinicama			
24.Kratkoročna razgraničenja			
D. Dugoročne obaveze i razgraničenja (25+26+27)	0	0	
25.Dugoročni krediti i zajmovi			
26.Ostale dugoročne obaveze			
27.Dugoročna razgraničenja			
E. Izvori stalnih sredstava (28+29+30+31-32)	16.509	26.504	62%
28.Izvori stalnih sredstava	16.509	26.504	62%
29.Ostali izvori sredstava			
30.Izvori sredstava rezervi			
31.Neraspoređeni višak prihoda nad rashodima			
32.Neraspoređeni višak rashoda nad приходima			
UKUPNO PASIVA (C+D+E)	140.325	165.629	85%

Na poziciji „Financijski i obračunski odnosi s drugim povezanim jedinicama“ u skladu sa propisima za budžetske korisnike koji nemaju transakcijske račune iskazuje se razlika Aktive i Pasive.

Rukovodstvo je Bilans stanja na dan 31.12.2017. godine odobrilo dana 16.02.2018. godine.

Vesna Budimir, Predsjednica suda